

գիպտացւոց՝ և Գողգոթայն էր ՚ի ձեռս նոցա, ոմանք կարծեն թէ՝ (էր ՚ի ձեռս Լատինաց, և երբեմն պատարագէին անդ), Խաչովանքն և այլ տեղիք, և ոմանք ՚ի քահանայից Վրաց բնակէին ՚ի Ս. Յարութիւն:

Իսկ Արաբացի այլազգի պատմիչն ասէ, ՚ի ոմին ժամանակի Լատինք գերի վարեցին զարս և յԱղէքսանդրիայ քաղաքէ, իմացեալ զայս Մէլիք Աշրաֆայ բարկացաւ յոյժ, գրեաց հրովարտակ եւ ՚ի ձեռն ուղտապանաց առաքեաց զայն յերուսաղէմ, ըմբռնել զԼատին կրօնաւորս, որք բնակէին ՚ի Սիոն՝ ՚ի Բեթղէհէմ, և ՚ի Ս. Յարութիւն, և առաքել զնոսա կապանօք ՚ի դուռն Սուլթանին, ՚ի թուին ԼԼ (1476):

Դեսպան թագաւորին Հապեչաց եկն յերուսաղէմ հրովարտակաւ Մէլիք Աշրաֆայ մերձ յաւուրս տօնի Պասեքին, և էին ընդ նմա ոստիկանք եւ գանձապահն կռսակալին Դամասկոսի: Սուլթանն գրեալ էր, չարգելուլ զքրիստոնեայս և չխափանել զմուտս նոցա ՚ի տաճարն Ս. Յարութեան: Իսկ այլազգիք քաղաքին միայն դեսպանին և ժողովրդոց նորին ետուն հրաման մտանել, բայց նա ոչ առ յանձն և մերժեաց զբանս նոցա, տալս յանձն արարին նմա զխականս տաճարին, և նորա բացեալ զդուռնն եմուտ ինքըն և ամենայն աղգ քրիստոնէից՝ առանց հարկի եւ ծախուց, եւ կատարեցին հանդիսիւ զտօն Ս. Զատիկին, ՚ի թուին ԼԼԾ (1480):

Լատին կղերք որք բնակէին ՚ի վանս Սիոնի, չինեցին որտաքոյ նորին մերձ ՚ի գերեզմանատունս քրիստոնէից գմբեթ եւ ՚ի ներքոյ սեղան պատարագի. տեսեալ զայն դատաւորաց և մեծամեծաց քաղաքին, ժողովեալ զնացին անդ բազմութեամբ և բազմեցան ՚ի ներքոյ գմբեթին այնորիկ, և սկիզբն արարին քննութեան, քրիստոնեայք ասէին թէ՝ տեղին այն է գերեզման Բագոսի, և ուխտատեղի քրիստոնէից, որոյ վասն գիտութեամբ այլազգեաց չինեցին գմբեթ ՚ի վերայ նորա, կարծելով թէ անդ թաղեալ իցէ Բագոս վկայն, զոր Արաբացիք կոչեն Շէյխ Էմիւն, զորմէ գրեալ եմք յառաջագոյն: Իսկ ՚ի քննութեան, վկայութեամբ այլազգեաց յայտնի եղեւ թէ գերեզման Բագոսի է յայլ ուրեք ՚ի պարտիզի ՚ի ձեռս այլազգեաց մերձ